

Opus excepta Epistola quæ postmodum ad ejus caput adjuncta est, sic incipit: *Lecturus hec quæ de Trinitate disserimus.*

CAPUT XVI.

De Consensu Evangelistarum, libri quatuor.

PER eosdem annos quibus paulatim libros De Trinitate dictabam, scripsi et alios labore continuo, interponens eos illorum temporibus, in quibus sunt libri quatuor *de Consensu Evangelistarum*, propter eos qui tanquam dissentientibus calumniantur. Quorum primus liber adversus illos conscriptus est, qui tanquam maxime sapientem Christum vel honorant vel honorare se singunt; et ideo nolunt Evangelio credere, quia non ab ipso illa conscripta sunt, sed ab ejus discipulis, quos existimant ei divitatem, qua crederetur Deus, errore tribuisse. In quo libro quod dixi, *Ex Abraham cœpisse gentem Hebreorum*, est quidem et hoc credibile, ut *Hebrei*, velut *Abraæi* dicti esse videantur: sed ex illo verius intelliguntur appellati, qui vocabatur *Heber*, tanquam *Heberæi* (29), de qua re in libro sexto-decimo *de Civitate Dei* satis disserui. In secundo cum agerem de duobus patribus Josephi, *ab altero* dixi *genitum, ab altero adoptatum*. Sed dicendum fuit, alteri adoptatum. Defuncto enim, quod magis credendum est, secundum Legem fuerat adoptatus; quoniam qui eum genuit, ejus matrem, fratri defuncti conjugem duxerat. Item ubi dixi, *Lucas vero ad ipsum David per Nathan ascendit, per quem Prophetam Deus peccatum*

illius expiavit; per cuius nominis Prophetam, dicere debui; ne putaretur idem fuisse homo, cum alter fuerit, quamvis et ipse hoc vocaretur. Hoc opus sic incipit: *Inter omnes divinas auctoritates.*

CAPUT XVII.

Contra epistolam Parmenianum, libri tres.

In tribus libris *contra Epistolam Parmenianum*, Donatistarum Carthaginensis episcopi successorisque Donati, quæstio magna versatur et sclytatur, Utrum in unitate et eorumdem communione sacramentorum mali contaminent bonos, et quemadmodum non contaminent disputatur, propter Ecclesiam toto orbe diffusam, cui calumniando schisma fecerunt. In quorum libro tertio cum dissereretur, quomodo sic accipiendum quod ait Apostolus, « Auferte malum ex vobis ipsis¹ », illud quod dixi, *ut ex se ipso quisque auferat malum*, non sic esse intelligendum, sed sic potius ut homo malus auferatur ex hominibus bonis, quod fit per ecclesiasticam disciplinam, satis Graeca lingua indicat; ubi sine ambiguitate scriptum est, ut intelligatur, hunc malum, non hoc malum²: quamvis et secundum istum intellectum responderim Parmeniano. Hoc opus sic incipit: *Multa quidem alias adversus Donatistas.*

litteris etiam quae in libro primo de Baptismo scripsi; et hoc quod in libro secundo de Contumeliam non utique sola lignea et fictilia. Hoc opus sic incipit: *In eis libris quos adversus epistolam Partheniani.*

CAPUT XVIII.

De Baptismo libri septem.

CONTRA Donatistas auctoritate beatissimi episcopi et martyris Cypriani se defendere molientes, septem libros *de Baptismo* scripsi, in quibus docui nihil sic valere ad refellendos Donatistas, et ad corum prorsus ora claudenda, ne adversus Catholicam suum schisma defendant, quomodo litteras factumque Cypriani. Ubi cumque autem in his libris commemoravi¹ Ecclesiam non habentem maculam aut rugam, non sic accipiendum est quasi jam sit, sed quae preparatur ut sit, quando apparebit etiam gloria. Nunc enim propter quasdam ignorantias et infirmitates membrorum suorum, habet unde quotidie tota dicat: «Dimitte nobis debita nostra» tra². In quarto libro cum dicarem vicem baptismi posse habere passione, non satis idoneum posui illius latronis exemplum, qui utrum non fuerit baptizatus incertum est. In libro septimo de vasis aureis et argenteis in domo magna constitutis, sensum Cypriani secutus sum, qui haec accepit in bonis³: in malis autem lignea et fictilia, ad illa referens quod dictum est, «Alia quidem in honorem:» ad haec autem quod dictum est, «Alia vero in contumeliam⁴.» Sed magis approbo quod apud Tychonium postea reperi vel adverti, in utrisque intelligendum quaedam in honorem, non sola scilicet

¹ Lib. 1. c. 27. et lib. 3. cap. 18. et lib. 4. cap. 3. et 4. et 10. —

² Matth. vi. 12. — ³ Cypr. epist. 5 ad Maximum, etc. — ⁴ 2 Tim. 18, 19.

aurea et argentea; et rursus in utrisque quaedam in contumeliam, non utique sola lignea et fictilia. Hoc opus sic incipit: *In eis libris quos adversus epistolam Partheniani.*

CAPUT XIX.

Contra quod attulit Centurius a Donatistis, liber unus.

CUM adversus partem Donati multa crebris disputationibus ageremus, attulit ad Ecclesiam quidam laicus tunc eorum nonnulla contra nos dictata vel scripta in paucis velut testimonii, quae suae causae suffragari putant, his brevissime respondi. Hujus libelli titulus est: *Contra quod attulit Centurius a Donatistis*¹. Et incipit sic: *Dicis eo quod scriptum est a Salomone: Ab aqua aliena abstine te.*

CAPUT XX.

Ad inquisitiones Januarii, libri duo.

LIBRI duo quorum est titulus, *Ad inquisitiones Januarii*, multa de sacramentis continent disputata, sive quae universaliter, sive quae partiliter, id est, non peræque in omnibus locis observat Ecclesia, nec tamen commemorari omnia potuerunt, sed satis ad inquisita responsum est: quorum librorum prior, Epistola est,

¹ Non extat.

habet quippe in capite quis ad quem scribat; sed ideo inter libros anumeratur hoc opus, quoniam sequens qui nomina nostra non habet, multo plura tractantur. In primo igitur quod de manna dixi, *quia unicuique secundum propriam voluntatem in ore sapiebat*, non mihi occurrit unde possit probari, nisi ex libro Sapientiae, quem Judæi non recipiunt in auctoritatem canonicas¹; quod tamen fidelibus potuit provenire, non illis adversus Deum murmuratoribus, qui profecto alias escas non desiderarent, si hoc eis saperet manna quod vellent. Hoc Opus sic incipit: *Ad ea quæ me interrogasti.*

CAPUT XXI.

De Operे Monachorum, liber unus.

Ut de Operе Monachorum librum scriberem, illa necessitas compulit, quod cum apud Carthaginem monasteria esse coepissent, alii se suis manibus transigebant, obtemperantes Apostolo: alii vero ita ex oblationibus religiosorum vivere solebant, ut nihil operantes, unde necessaria vel haberent vel supplerent, se potius implere præceptum evangelicum existimarent atque jactarent, ubi Dominus ait: « Respicite volatilia cœli et lilia agri². » Unde etiam inter laicos inferioris propositi, sed tamen studio ferventes, existere coeperant tumultuosa certamina, quibus Ecclesia turbaretur, aliis hoc, aliis aliud defendantibus. Huc accedebat quod criniti erant quidam eorum, qui operandum non esse dicebant. Unde

¹ Sap. xvi, 20. — ² Matth. vi, 26.

contentiones, hinc reprehendentium, inde quasi purgantium pro partium studiis augebantur. Propter hæc venerabilis senex Aurelius, ecclesiae ipsius civitatis episcopus, ut hinc aliquid scriberem jussit, et feci. Hic sic incipit: *Jussioni tue, sancte frater Aureli.*

CAPUT XXII.

De Bono conjugali, liber unus.

I. JOVINIANI hæresis, sacrarum virginum meritum æquando pudicitiae conjugali, tantum valuit in urbe Roma, ut nonnullas etiam sanctimoniales de quarum pudicitia suspicio nulla præcesserat, dejecisse in nuptias diceretur, hoc maxime arguento cum eas urgeret dicens: « Tu ergo melior quam Sara, melior quam Susanna, sive Anna? » et cæteras commemorando testimonio sanctæ Scripturæ commendantissimas foeminas, quibus se illæ meliores, vel etiam pares cogitare non possent. Hoc modo etiam virorum sanctorum sanctum coelibatum commemoratione patrum conjugatorum et comparatione frangebat. Huic monstro sancta Ecclesia quæ ibi est, fidelissime ac fortissime restitit. Remanerant autem iste disputationes ejus in quorundam sermunculis ac susurris, quas palam suadere nullus audebat. Sed etiam occulte venenis repertibus, facultate quam donabat Dominus, occurrentum fuit: maxime quoniam jactabatur Joviniano responderi non potuisse cum laude, sed cum vituperatione nuptiarum. Propter hoc librum edidi, cuius inscriptio est, *de Bono conjugali*. Ubi de propagatione filiorum prius quam homines mortem

peccando mererentur, quoniam concubitus mortalium corporum res videtur, quæstio magna dilata est: sed in aliis postea litteris nostris, satis quantum arbitror, explicatur.

II. *Dixi etiam quodam loco : Quod enim est cibus ad salutem hominis, hoc est, concubitus ad salutem generis ; et utrumque non est sine delectatione carnali, quæ tamen modifcata, et temperantia refrenante in usum naturalem reducta, libido esse non potest.* Quod ideo dictum est, quoniam libido non est bonus et rectus usus libidinis (30). *Sicut enim malum est male uti bonis, ita bonum est bene uti malis, de qua re alias, maxime contra novos hæreticos Pelagianos diligentius dis-putavi.* De Abraham quod dixi, *Ex hac obedientia pa-ter ille Abraham, qui sine uxore non fuit, esse sine unico filio et a se occiso paratus fuit, non satis approbo.* Magis enim filium, si esset occisus, resuscitatione si mox fuisse reddendum, credidisse credendus est, sicut in Epistola legitur quæ est ad Hebraeos⁴. Hic liber sic incipit : *Quoniam unusquisque homo, humani generis pars est.*

CAPUT XXIII

De sancta Virginitate, liber unus.

litate custodiendum esset, uno sicut potui volumine ostendi. Hic liber sic incipit: *Librum de Bono conjugali nuper edidimus.*

CAPUT XXIV.

De Genesi ad Litteram, libri duodecim.

I. PER idem tempus *de Genesi* libros xii scripsi ab exordio, donec de paradiso dimissus est Adam et flammea romphæa posita est custodire viam ligni vitæ. Cum autem ad hoc usque undecim libri peracti essent, duodecimum addidi, in quo diligentius de paradiso disputatum est. Titulus eorum librorum inscribitur *de Genesi ad litteram*: id est, non secundum allegoricas significaciones, sed secundum rerum gestarum proprietatem. In quo opere plura quæsita quam inventa sunt: et eorum quæ inventa sunt, pauciora firmata: cætera vero ita posita, velut adhuc requirenda sint. Hoc sane libros posterius coœpi, sed prius terminavi quam de Trinitate: ideo eos nunc ordine, quo coœpi recolui.

II. In quinto libro, et ubicumque in eis libris posui,
de semine cui repromissum est; quod dispositum fit
*per Angelos in manu mediatoris*⁴: Non sic habet Apostolus, sicut veriores codices post inspexi, maxime græcos. De Lege enim dictum est, quod tanquam de semine dictum multi latini codices habent per interpretantis errorrem. In sexto libro quod dixi, *Adam imaginem Dei, secundum quam factus est perdidisse peccato, non sic accipendum est, tanquam in eo nulla remanserit, sed*

¹ Galat. iii, 19.

quod tam deformis ut reformatione opus haberet. In duodecimo de inferis, magis mihi videoꝝ docere debuisse, quod sub terris sint, quam rationem reddere cur sub terris esse credantur, sive dicantur, quasi non ita sit. Hoc Opus sic incipit: *Omnis divina scriptura bipartita est.*

CAPUT XXV.

CAPUT XXV.

Contra Litteras Petilianæ, libri tres.

ANTEQUAM finirem libros de Trinitate et libros de Genesi ad litteram, irruit causa respondendi litteris Petilianæ Donatistæ, quas adversus Catholicam scripsit, quam differre non potui. Et scripsi in hanc rem tria volumina, quorum primo primæ parti Epistolæ ipsius, quam scripsit ad suos, quia non tota in nostras manus venerat, sed prior parva pars ejus, quanta potui celeritate et veritate respondi. Etiam ipsa Epistola est ad nos, sed ideo inter libros habetur, quia cæteri quo in eadem causa libri sunt. Postea quippe invenimus totam, elque tanta diligentia respondi, quanta Fatio Manichæo, verba scilicet ejus sub ipsius nomine prius ponens particulatim et sub meo per singula responsonem meam. Sed prius quod scripseram, antequam totam reperiremus, pervenit ad Petilianum: et iratus respondere conatus est, in me potius dicens quidquid eum libuit, in causa vero omnino deficiens: quod cum posset collatis ultriusque nostrum scriptis facilime adverti, tamen propter tardiores hoc ipse respondendo demonstrare curavi, sic est additus eidem nostro operi liber tertius. Hoc Opus in primo libro sic

RETRACTATIONUM LIB. II.

539

incipit: *Nostri nos sœpe voluisse. In secundo autem sic: Primis partibus Epistolæ Petilianæ. In tertio autem sic: Legi, Petiliane, litteras tuas.*

CAPUT XXVI.

Ad Cresconium grammaticum partis Donati, libri quatuor.

GRAMMATICUS etiam quidam Donatista Cresconius cum invenisset Epistolam meam, qua primas partes, quæ in manus nostras tunc venerant Epistolæ Petilianæ redargui, putavit mihi respondendum, et hoc ipsum scripsit ad me. Cui operi ejus libris quatuor respondi, ita satie ut tribus peragerem quod universa responsio flagitabat. Sed cum viderem sola Maximianensem causâ quo suos schismatiscos damnaverunt, et eorum aliquos rursus in honoribus suis receperunt, baptismumque ab eis extra suam communionem datum non repetiverunt, responderi posse ad cuncta quæ scripsit, etiam quartum librum addidi, in quo idipsum quantum potui diligenter atque evidenter ostendi. Hos autem quatuor libros quando scripsi, jam contra Donatistas leges dederat Honorius Imperator. Hoc Opus sic incipit: *Quando ad te, Cresconi, mea scripta pervenire possent ignorans.*

CAPUT XXVII.

*Probationum et testimoniorum contra Donatistas,
liber unus.*

Post hæc ut ad Donatistas pervenirent contra eorum errorem et pro catholica veritate necessaria documenta curavi, sive de ecclesiasticis, sive de publicis Gestis, sive de Scripturis canonicis. Et primo ad illos eadem promissa direxi, ut ipsi ea, si sieri posset, exposcerent. Quæ cum venissent in eorum quorundam manus, nescio quis extitit, qui suo nomine tacito contra hæc scriberet. ita se confitens Donatistam, tanquam hoc vocaretur. Cui ego respondens, alium librum scripsi. Illa vero documenta quæ promiseram, eidem libello quo cadem promiseram junxi, et ex utroque unum esse volui. eumque sic edidi, ut in parietibus basilicæ quæ Donatistarum fuerat, prius propositus legeretur cuius titulus est : *Probationum et testimoniorum contra Donatistas*, In quo libro absolutionem Felicis Aptungensis ordinatoris Cæciliani, non hoc ordine posuimus quo postea nobis claruit, Consulibus diligenter inspectis, sed tanquam post Cæcilianum fuerit absolutus, cum ante sit factum. Illud etiam quod commemorato Judæ apostoli testimonio, ubi ait : « Ii sunt qui segregant semelipsos, animales, » Spiritum non habentes¹, adjunxi etiam dicens : *De quibus et Paulus apostolus dicit*, « Animalis autem homo non percipit ea quæ sunt spiritus Dei² : » non sunt isti illis coequandi, quos omnino ab Ecclesia schisma præcidit. Istos quippe

¹ Jud. i, 19. — ² 1 Cor. xi, 4.

idem apostolus Paulus parvulos dicit esse in Christo, quos nondum escam valentes capere, lacte nutrit tamen³ : illi autem non filii parvulis, sed in mortuis et perditis computandi sunt, ut si quis eorum correctus Ecclesiæ fuerit copulatus, recte de illo dici possit : « Mortuus erat et re» vixit : perierat, et inventus est⁴. » Hic liber³ sic incipit : *Qui timetis consentire Ecclesiæ catholicæ*.

CAPUT XXVIII.

Contra Donatistam nescio quem, liber unus.

ALTERIUS libri quem supra commemoravi, titulum esse volui, *Contra nescio quem Donatistam*, ubi similiter de absolutione ordinatoris Cæciliani verus ordo temporis non est. Illud etiam quod dixi, *Ad multitudinem zizaniorum*, ubi intelliguntur omnes hæreses, minus habet unam necessariam conjunctionem : dicendum enim fuit, ubi intelliguntur et omnes hæreses ; aut, ubi intelliguntur etiam omnes hæreses. Nunc vero ita dictum est, quasi præter Ecclesiam tantummodo sint zizania, non etiam in Ecclesia, cum ipsa sit regnum Christi, de quo collecturi sunt Angeli ejus messis tempore omnia scandala. Unde et Cyprianus Martyr, « Et si videntur, inquit, in Ecclesia esse zizania, non tamen impediri debet aut fides, aut charitas nostra, ut quoniam zizania esse in Ecclesia cernimus, ipsi de Ecclesia recedamus⁴. » Quem sensum etiam nos alias, et maxime adversus eos

¹ 1 Cor. iii, 1. — ² Luc. xv, 32. — ³ Non extat. — ⁴ Cypr. ep. 51. ad Maximum, etc.

dem præsentes Donatistas in Collatione defendimus. Hic liber¹ sic incipit : *Probationes rerum necessariarum quodam breviculo collectas promisimus.*

CAPUT XXIX.

Admonitio Donatistarum de Maximianistis, liber unus.

Cum viderem multos legendi labore impediri a dis-
cendo, quam nihil rationis atque veritatis habeat pars
Donati, libellum brevissimum feci, quo eos de solis Maxi-
mianistis admonendos putavi, ut posset facilitate descri-
bendi in manus plurium pervenire, et ipsa sui brevitate
facilius commendari memoriæ : cui titulum imposui : *Admonitio Donatistarum de Maximianistis.* Hic li-
ber² sic incipit : *Quicumque calumniis hominum et
criminationibus movemini.*

CAPUT XXX.

De Divinatione dæmonum, liber unus.

PER idem tempus accidit mihi ex quadam disputa-
tione necessitas, ut de *Divinatione dæmonum* libellum
scriberem, cuius titulus iste ipse est. In ejus autem quo-
dam loco ubi dixi, *Dæmones aliquando et hominum
dispositiones non solum voce protatas, verum etiam
cogitatione conceptas, cum signa quædam ex animo
exprimuntur in corpore, tota facilitate perdiscere,*

¹ Non extat. — ² Non extat hic liber.

rem dixi occultissimam audaciore asservatione quam de-
bui : nam pervenire ista ad notitiam dæmonum, per
nonnulla etiam experimenta compertum est. Sed utrum
signa quædam dentur ex corpore cogitantum illis sensibi-
lia, nos autem latentia, an alia vi et ea spiritali ista cog-
noscant, aut difficillime potest ab hominibus, aut omnino
non potest inveniri. Hic liber sic incipit : *Quodam die
in diebus sanctis octavarum.*

CAPUT XXXI.

Quæstiones expositæ contra Paganos, numero sex.

INTER hæc missæ sunt mihi a Carthagine quæstiones
sex, quas proposuit amicus quidam quem cupiebam fieri
Christianum, ut contra Paganos solverentur, præsertim
quia nonnullas earum a Porphyrio philosopho proposi-
tas dixit. Sed non eum esse arbitror Porphyrium Siculum
illum, cuius celeberrima est fama. Harum quæstionum
disputationes in unum librum contuli, non prolixum,
cujus est titulus : *Sex quæstiones contra Paganos
expositæ.* Earum autem prima est de resurrectione,
secunda de tempore Christianæ religionis, tertia de sa-
crificiorum distinctione, quarta de eo quod scriptum est,
« In qua mensura mensi fueritis, remetietur vobis¹, »
quinta de Filio Dei secundum Salomonem, sexta de Jona
propheta. In quarum secunda quod dixi, *Salus religio-
nis hujus per quam solam veram salus vera veraciter-
que promittitur, nulli unquam defuit, qui dignus
fuit, et cui defuit, dignus non fuit, non ita dixi tan-*

¹ Matth. vii, 2.

quam ex meritis suis quisquam dignus fuerit : sed quemadmodum ait Apostolus : « Non ex operibus, sed ex vocante dictum esse, Major serviet minori ¹ : » quam vocationem ad Dei propositum asserit pertinere. Unde dicit : « Non secundum opera nostra, sed secundum suum propositum et gratiam ². » Unde item dicit : « Scimus quia diligentibus Deum omnia cooperantur in bonum iis qui secundum propositum vocati sunt sancti ³. » De qua vocatione ait, « Ut dignos vos habeat vocatione sua sancta ⁴. » Hic liber post Epistolam quae postmodum a capite addita est, sic incipit : *Movet quosdam et requirunt.*

CAPUT XXXII.

Expositio Epistolæ Jacobi ad duodecim tribus.

INTER opuscula mea reperi expositionem Epistolæ Jacobi, quam retractans adverti annotationes potius expiatorum quorumdam ejus locorum in librum redactas fratrum diligentia, qui eas in frontibus codicis esse noluerunt. Adjuvant ergo aliquid, nisi quod ipsam epistolam quam legebamus quando ista dictavi, non diligenter ex Græco habebamus interpretatam. Hic liber ⁵ sic incipit : *Duodecim tribubus quæ sunt in dispersione, salutem.*

¹ Rom. ix, 12. — ² 2 Tim. i, 9. — ³ Rom. viii, 28. — ⁴ 2 Thess. i, 11.
— ⁵ Non extat.

CAPUT XXXIII.

De Peccatorum meritis et remissione, et de Baptismo parvolorum ad Marcellinum, libri tres.

VENIT etiam necessitas, quæ me cogeret adversus novam Pelagianam hæresim scribere, contra quam prius cum opus erat, non scriptis, sed sermonibus et colloquitionibus agebamus, ut quisque nostrum poterat aut debebat. Missis ergo mihi a Carthagine quæstionibus eorum quas describendo dissolverem, scripsi primum libros tres, quorum titulus est, *de Peccatorum meritis et remissione* : ubi maxime disputatur de baptisme parvolorum propter originale peccatum : et de gratia Dei qua justificamur, hoc est, justi efficiamur : quamvis in hac vita nemo ita servet mandata justitiae, non ut sit ei necessarium pro suis peccatis orando dicere, « Dimitte nobis debita nostra ¹. » Contra quæ omnia sentientes illi, novam hæresim condiderunt. In his autem libris tacenda adhuc arbitratus sum nomina eorum, sic eos facilius posse corrigi sperans : imo etiam in tertio libro, quæ est Epistola, sed in libris habita propter duos, quibus eam connectendam putavi, Pelagii ipsius nomen non sine aliqua laude posui : quia vita ejus a multis prædicabatur : et ejus illa redargui, quæ in suis scriptis non ex persona sua posuit, sed quid ab aliis diceretur exposuit : quæ tamen postea jam hæreticus pertinacissima animositate defendit. Coelestius vero discipulus ejus jam propter tales assertiones apud Carthaginem in episcopali

¹ Matth. vi, 12.
CXLVIII.